

REGLUGERÐ FRAMKVÆMDASTJÓRNARINNAR (ESB) nr. 873/2012

2013/EES/20/34

frá 1. október 2012

um umbreytingarráðstafanir varðandi skrá Sambandsins yfir bragðefni og grunnefni í I. viðauka við reglugerð Evrópuþingsins og ráðsins (EB) nr. 1334/2008 (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1334/2008 frá 16. desember 2008 um bragðefni og tiltekin innihaldsefni matvæla, sem hafa bragðgefandi eiginleika, til notkunar í og á matvæli og um breytingu á reglugerð ráðsins (EBE) nr. 1601/91, reglugerðum (EB) nr. 2232/96/ og (EB) nr. 110/2008 og tilskipun 2000/13/EB⁽¹⁾, einkum 3. mgr. 25. gr.,

og að teknu tilliti til eftirfarandi:

- 1) Í 9. gr. reglugerðar (EB) nr. 1334/2008 er mælt fyrir um þær tegundir bragðefna og grunnefna sem nauðsynlegt er að meta og samþykkja.
- 2) Af þeim bragðefnum og grunnefnum sem um getur í 9. gr. má, skv. 10. gr. reglugerðar (EB) nr. 1334/2008, einungis setja á markað í óbreyttri mynd þau sem eru í skrá Sambandsins og nota þau í eða á matvæli samkvæmt þeim notkunarskilyrðum sem þar eru tilgreind, eftir því sem við á.
- 3) Samkvæmt 30. gr. reglugerðar (EB) nr. 1334/2008 tekur 10. gr. gildi 18 mánuðum eftir gildistöku dag skrár Sambandsins.
- 4) Því er rétt að fastsetja gildistöku dag fyrir skrá Sambandsins að því er varðar 3. mgr. 30. gr. reglugerðar (EB) nr. 1334/2008.
- 5) Í fyrsta áfanga var skrá Sambandsins yfir bragðefni, sem um getur í a-lið 9. gr. reglugerðar (EB) nr. 1334/2008, komið á með reglugerð framkvæmdastjórnarinnar (ESB) nr. 872/2012 ⁽²⁾ á þann hátt að skráin yfir bragðefni, sem um getur í reglugerð Evrópuþingsins og ráðsins (EB) nr. 2232/96⁽³⁾, var felld inn í I. viðauka við reglugerð (EB) nr. 1334/2008 og gildistöku dagur þeirrar skrár var fastsettur.

(*) Þessi EB-gerð birtist í Stjtið. ESB L 267, 2.10.2012, bls. 162. Hennar var getið í ákvörðun sameiginlegu EES-nefndarinnar nr. 34/2013 frá 15. mars 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 34.

⁽²⁾ Stjtið. ESB L 267, 2.10.2012, bls. 1.

⁽³⁾ Stjtið. EB L 299, 23.11.1996, bls. 1.

- 6) Samkvæmt reglugerð (EB) nr. 1334/2008 má setja bragðefni, sem ekki eru í skrá Sambandsins, á markað sem slík og nota í eða á matvælum þar til 18 mánuðir eru liðnir frá því að skrá Sambandsins öðlaðist gildi. Þar eð bragðefni eru þegar á markaði í aðildarríkjunum skal gera ráðstafanir til að tryggja snurðulausa umbreytingu yfir í málsmeðferð Sambandsins við leyfisveitingu. Til að auka réttarvissu skal einnig kveða á um umbreytingartímabil fyrir matvæli sem innihalda þessi bragðefni.
- 7) Í öðrum áfanga skal meta bragðefnin og grunnefnin sem um getur í b- til f-lið 9. gr. Ef hagsmunaaðilar vilja bæta efni við skrá Sambandsins skulu þeir leggja fram umsóknir um uppfærslu hennar samkvæmt reglugerð (EB) nr. 1331/2008 og uppfylla kröfurnar í reglugerð framkvæmdastjórnarinnar (ESB) nr. 234/2011 frá 10. mars 2011 um framkvæmd reglugerðar Evrópuþingsins og ráðsins (EB) nr. 1331/2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum⁽⁴⁾ að því er varðar gögnin sem krafist er og innihald, samningu og framlagningu umsóknanna um leyfisveitingu fyrir bragðefni og grunnefni sem skráð eru í b- til f-lið 9. gr. reglugerðar (EB) nr. 1334/2008.
- 8) Í samræmi við markmiðin í reglugerð (EB) nr. 1334/2008 og til að auka réttarvissu og koma í veg fyrir mismunun er rétt að samþykkja umbreytingarráðstafanir svo að tími gefist til að meta þessi bragð- og grunnefni og veita leyfi fyrir þeim.
- 9) Fresta skal gildistöku B- til F-hluta I. viðauka við reglugerð (EB) nr. 1334/2008 varðandi bragðefni og grunnefni sem skráð eru í b- til f-lið 9. gr. þeirrar reglugerðar svo að tími gefist til að meta þessi bragð- og grunnefni og veita leyfi fyrir þeim.
- 10) Hagsmunaaðilarnir skulu leggja fram umsókn um leyfi innan tilskilins frests að því er varðar bragðefni og grunnefni sem skráð eru í b- til f-lið 9. gr. reglugerðar (EB) nr. 1334/2008 sem þegar hafa verið sett á markað.

⁽⁴⁾ Stjtið. ESB L 64, 11.3.2011, bls. 15.

11) Samkvæmt reglugerð (EB) nr. 1334/2008 má setja bragðefni og grunnefni sem skráð eru í b- til f-lið 9. gr., sem ekki eru í skrá Sambandsins, á markað sem slík og nota í eða á matvælum þar til 18 mánuðir eru liðnir frá því að skrá Sambandsins öðlaðist gildi. Þar eð bragðefni og grunnefni sem skráð eru í b- til f-lið 9. gr. reglugerðar (EB) nr. 1334/2008 eru þegar á markaði í aðildarríkjunum skal gera ráðstafanir til að tryggja snurðulausa umbreytingu yfir í málsmeðferð Sambandsins við leyfisveitingu. Til að auka réttarvissu skal einnig kveða á um umbreytingartímabil fyrir matvæli sem innihalda þessi bragð- og grunnefni.

12) Í 30. gr. reglugerðar (EB) nr. 1334/2008 er tilgreint að 26. og 28. gr. reglugerðar (EB) nr. 1334/2008, sem varða breytingar á reglugerð ráðsins (EBE) nr. 1601/91 frá 10. júní 1991 um almennar reglur varðandi skilgreiningu, lýsingu og kynningu á kryddvínunum, drykkjum blönduðum með kryddvínunum og hanastélum blönduðum með kryddvínunum ⁽⁵⁾ og reglugerð Evrópuþingsins og ráðsins (EB) nr. 110/2008 frá 15. janúar 2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum ⁽⁶⁾, gildi frá gildistökudegi skrár Sambandsins. Því er rétt að fastsetja þann gildistökudag að því er varðar 4. mgr. 30. gr. reglugerðar (EB) nr. 1334/2008.

13) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA:

I. KAFLI

BRAGÐEFNI SEM UM GETUR Í a-LIÐ 9. GR. REGLUGERÐAR (EB) nr. 1334/2008

1. gr.

Umbreytingarráðstafanir varðandi matvæli sem innihalda bragðefni

Matvæli sem innihalda bragðefni og eru sett löglega á markað eða merkt fyrir 22. október 2014 en uppfylla ekki kröfurarnar í A-hluta I. viðauka við reglugerð (EB) nr. 1334/2008 má setja á markað til síðasta dags lágmarksgeymsluþols þeirra eða síðasta notkunardags.

⁽⁵⁾ Stjtið. EB L 149, 14.6.1991, bls. 1.

⁽⁶⁾ Stjtið. ESB L 39, 13.2.2008, bls. 16.

II. KAFLI

BRAGÐEFNI OG GRUNNEFNI SEM UM GETUR Í b-TIL F-LIÐ 9. GR. REGLUGERÐAR (EB) nr. 1334/2008

2. gr.

Gildistökudagur B- til F-hluta í skrá Sambandsins yfir bragðefni og grunnefni

Að því er varðar 3. mgr. 30. gr., í tengslum við 10. gr. reglugerðar (EB) nr. 1334/2008, gilda B- til F-hlutar í skrá Sambandsins yfir bragðefni og grunnefni, sem sett er fram í I. viðauka við þá reglugerð, frá og með 22. október 2016.

3. gr.

Frestur til framlagningar umsókna

Hagsmunaaðilar skulu leggja fyrir framkvæmdastjórnina umsóknir um leyfi fyrir bragðefnum og grunnefnum, sem um getur í b- til f-lið 9. gr. reglugerðar (EB) nr. 1334/2008, sem sett hafa verið á markað þegar þessi reglugerð tekur gildi, í samræmi við reglugerð (EB) nr. 1331/2008 eigi síðar en 22. október 2015.

4. gr.

Umbreytingarráðstöfun varðandi matvæli sem innihalda bragðefni og grunnefni sem um getur í b- til f-lið 9. gr. reglugerðar (EB) nr. 1334/2008

Matvæli sem innihalda bragðefni og grunnefni sem um getur í b- til f-lið 9. gr. reglugerðar (EB) nr. 1334/2008 og eru sett löglega á markað eða merkt fyrir 22. apríl 2018 en uppfylla ekki kröfurarnar í B- til F-hluta I. viðauka við reglugerð (EB) nr. 1334/2008 má setja á markað til síðasta dags lágmarksgeymsluþols þeirra eða síðasta notkunardags.

III. KAFLI

LOKAÁKVÆÐI

5. gr.

Breytingar á reglugerðum (EBE) nr. 1601/91 og (EB) nr. 110/2008

Að því er varðar 4. mgr. 30. gr. reglugerðar (EB) nr. 1334/2008 varðandi breytingar á reglugerðum (EBE) nr. 1601/91 og (EB) nr. 110/2008 skal gildistökudagur skrár Sambandsins yfir bragðefni og grunnefni vera 22. apríl 2013.

6. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 1. október 2012.

Fyrir hönd framkvæmdastjórnarinnar,

forseti.

José Manuel BARROSO
